

奉天

洮安縣志畧

奉天省洮安縣志書

知事蔣國銓纂修

沿革

按洮安本境自唐虞夏商周至春秋戰國代遠年湮無從考覈秦漢時屬遼東郡北境後漢為鮮卑地南北朝為契丹地遼屬東京之北境名為肇州遺址猶有存者前清國初錫爵為哲里木盟科爾沁右翼前旗扎薩克圖郡王地光緒二十九年經盛京將軍增奏請放荒設治於洮水之東北

疆界

東西八十里南北平均百里正北凹進而缺西南東界鎮東縣西南二面濱洮兒河與洮南縣交界北與扎薩克圖郡王留界毗連
治所及區域

縣署設在境內之中而稍偏東北巡警區域劃分東西南北中而自治區域分城廂暨第一第二第三第四第五五鄉

經緯方里

洮安經度在京師極東六度十七分縣境極北距赤道四十六度二十五分世界經度在英國格林威治測候所一百二十一度五十六分全境八千五百方里

戶口

查前清宣統三年份本境戶數計三千六百五十五內蒙旗一千一百三十戶漢族二千五百二十五戶口數計二萬七千八百四十四內蒙旗九千五百四十七口漢族一萬八千二百九十七口民國元年秋間蒙匪烏泰倡亂蹂躪縣境人民大半逃亡現在調查戶數僅餘一千五百五十一戶內蒙旗八百五十

四戶漢族六百九十七戶口數計一萬七千五百八
十三內蒙旗九千一百三十六口漢族八千四百四
十七口今春大局已定設法招撫此後戶口尚須隨
時調查上列數目係以民國元年份為度茲再分別男
女壯丁學童暨宣統三年民國元年比較實減各數
目列表於後藉資考鏡

比較年減	民國元年	宣統三年	年別數	
			戶	口
二七十一	八五四	一一三〇	蒙旗漢族統計	男女
一八二八	六九七	二五二五	統計	壯丁學童數
二一〇四	一五五一	三六五五	蒙旗漢族統計	
四二一九八五〇	九一三六	九五五七	統計	
一〇二六一	八四四七	八二九七	統計	
四二四七	一七五八三	二七八四四	男	
六〇一四	九七五二	三九九九	女	
一〇二六一	七八三一	三八四五	統計	
二〇九三	一七五八三	二七八四四	壯丁	
二〇五四	二七五一	四八四四	學童	
四二四七	一二三九	三二九三	統計	
	三九九〇	八一三七		

村落

本境之南及西北迤西一帶均傍洮兒河未放荒以前所有蒙人盡依河而居嗣經蒙王招佃飭分一里一家並不成村放荒後陸續分遷於自治荒段內建蓋住屋即以姓氏為某窩棚零星散處極鮮數十家之大村落其數目屯名均詳於地圖內茲不贅

道路

縣屬地極邊陲雖無濱海港島及沿邊險要處所而康莊較少計自洮南縣城赴黑龍江省可由縣治經過餘如扎薩克圖王府及圖什業圖王府赴新城龍灣長春縣等處亦可經過縣治不通鐵軌亦非通商口岸並無租界

山林礦水

縣北四十里有土嶺一帶高不過一里名為七十七

道嶺又西南四十五里白尹套海屯沿洮兒河有柳
林一簇約百餘株無成材者又西北七十里木頭營
子沿洮兒河有柳条及小樹延長半里許龍茸如蓬
葆亦不成材又西北五十里七十七道嶺西南有白
土坑一處長三里許色類土粉燒之成灰與煤礦相
似又西南兩面與洮南縣交界處有洮兒河一道該
河曲折凹凸之處甚多發源於外蒙古西北岳索爾
濟山流入本境北鄰之石頭井子迴繞西面南流九
十餘里至郡屬八仙套保遂折而東流入松花江其
河水漲時泛溢為災殺時深不過三四尺不通船舶
此外別無水道亦無高山峻嶺及森林礦產

古蹟

本境縣城未經修築縣署外有土岡四圍土人呼為
白城子俗傳為遼時肇州遺址又南鄉距縣城五十

里有古城基址周圍數里俗傳係金元時所建有無字斷碑在焉其西一屯土人因之稱城四家子

田賦

洮安地畝考之放荒魚鱗冊共計生熟十二萬二千五百二十四畝餘現在升科熟地一萬七千五百十九畝有零每年應徵大小租中錢三千數百吊係歸扎薩克圖蒙王於洮南縣街設立天恩地局徵收縣內原有督催之責嗣於宣統二年該地局歸併洮南署每年應徵租錢發縣由縣批解

稅卡

牛馬與雜稅等項由洮南縣稅捐總局於縣屬六家子地方設一分卡征收每年收數不過七八百元之譜

土性物產

縣境地質嚴寒宜種高粱谷豆蕎麥糜黍玉蜀黍等而尤以蕎麥糜黍為最此外動物以牛馬驢羊為大宗

人類

縣境未設治以前祇有蒙古種考其世系皆元之後裔設治後漢人逐漸由直隸山東暨東三省各處遷來蒙人則來自扎薩克圖本旗暨朝陽縣等處現在人類僅蒙漢兩種而滿回藏三種均無

氏族

縣境內蒙姓譯漢有王氏者係大族其氏受自該管蒙王於光緒三十年間由朝陽遷居本境此外並無蒙漢大族

宗教

查縣境內蒙古尊崇佛教分喇嘛紅教喇嘛黃教二

種漢人信者亦多其餘天主耶穌回教等最居少數

新政

按洮安設治以來甫及十年蒙荒邊塞地廣人稀舊習雖稍化除新政尚不完備茲將歷年舉辦各要政分言於左

教育 查光緒三十四年經前任朱知事佩蘭先後創設勸學所並男女初等兩學校暨鄉間私塾十餘處至宣統三年復於胡寶山屯勸立初等小學校一處以圖擴充而期普及

巡警 查洮安保衛地面原賴鄉團嗣經張前縣晉改辦巡警城鄉各設馬巡至光緒三十四年復經前任知事佩蘭重加整頓劃分區域設總局一分駐所四散布巡羅輪番教練適值蒙匪牙什揭竿起事西區巡長白玉秀窩盜寄駐南區巡長張秀納賄縱賊

而警政乃廢宣統二年秋間縣屬被災警餉減少彼時議辦預警遂將各區警兵裁撤編入以節開支而免虧累

自治：查宣統二年經前任朱知事佩蘭遵章開辦城廂會旋因城廂內戶口太少無事可辦由該會稟准取銷改辦上級縣會於三年八月呈報成立

實業：查洮安蒙荒初闢地廣人稀輕斂薄征從事招墾十年來農業逐漸發達惟交通不便銷路不廣巨商大賈裹足不前雖經官家勸導提倡而商業終難暢旺光緒三十四年經前任朱知事佩蘭稟准暫免酒稅一年藉以招徠商人袁輔庭遂開設新世泉燒鍋並絲房各一處究以獲利無多亦未見起色至於工業闔境並無一處

上述舉辦教育巡警自治實業等新政均不過稍見

萌芽較諸開通地方萬難及一廛民國元年秋間爲
逆倡亂田禾沒收生民塗炭地方款項無法籌集警
學自治一律停辦前知事於二年一月奉命前來崔
苻滿地餓殍遍野德之撫之猶恐不逮對於舉辦新
政難免稍懈然開通風氣首在興學保衛地方端賴
巡警尊重公權須立自治講求生利必恃實業現正
商同紳董設法籌款將城廂內初等小學先行舉辦
一面整頓鄉團改練預警而正警擬俟秋間田禾收
成畝捐有著再行續辦至於縣會已於二年二月間
開辦矣餘如農商等業亦逐漸勸導以廣招徠而期興
盛

兵事

按本境未設治以前凡兵事之在本境者皆無實據
可考設治後於光緒三十三年九月間郭爾羅斯公

莽陡起股匪嘯聚七八千人在達爾罕王旗冒德圖
地方傷斃外人又拒殺洮南荒務局兵丁三人竄至
本境北荒竇家窩棚一帶劫掠經張前縣晉飭警並
調鄉會防剿一面稟洮南縣派隊協拏該匪等勢窮
遁去三十四年六月間又有蒙匪牙什勾結巨匪白
音大來揭竿起事私立公堂魚肉縣民而西南區巡
長白玉秀張秀遙爲羽翼互相響應經前任朱知事
佩蘭稟調奉軍前路巡防隊拏剿該匪等深溝高壘
率黨抗拒幸該軍張統領直搗賊穴先後擊斃牙什
並白音大來等地面廼安民國元年七月間扎薩克
圖郡王烏泰受庫倫活匪煽惑聚衆謀亂隣封鎮東
縣失守本境地廣兵單攻守各不相宜當時官民同
奔洮南蒙匪乘虛而入大肆掠奪旋經奉軍後右兩
路巡防隊次第克復洮屬各縣仍歸我有本境經此

兵燹元氣大傷現正設法安撫恢復舊觀

風俗

查縣境蒙漢雜居蒙古牧獵不講農商常有追逐一
兔喪其百金之馬而不惜者近經地方官屢次勸諭
漸知務農而愚信佛教每年中產之家必請喇嘛諷
太平經數次費款甚鉅又因本旂王府討差稅錢故
生子多當喇嘛男女粗率不知避忌他如父死不葬
弟娶寡嫂及婚姻索重幣等惡習現亦勸令改良風
氣大見轉移其性尚儉樸雖極富之家不穿綾羅為
內地人所不及漢人開墾務農者居多數牧畜者亦
不少因其久在蒙邊性情習慣與蒙人大都相同

